

**სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი №1**

ქ. თბილისი

27 თებერვალი, 2019 წელი

სხდომას უძღვებოდა:

ზვიად როსტომაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის პირველი მოადგილე - კომისიის წევრი;

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

გიორგი თინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

ირმა ხუფენია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ - ადმინისტრაციის უფროსი - კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ ეკონომიკური სამსახურის უფროსი - კომისიის წევრი;

სატენდერო კომისიის აპარატის წევრები:

ზვიად როსტომაშვილი - აპარატის ხელმძღვანელი;

დავით მესხიშვილი - აპარატის წევრი;

ნინო გლოველი - აპარატის წევრი;

დღის წესრიგი: 2019 წლის ბიუჯეტის დაფინანსების ფარგლებში მომიჯნავე დარგების საპროექტო-სახარჯთაღრიცხვო დოკუმენტაციის შედგენის მომსახურების შესყიდვაზე ერთეულებიანი ელექტრონული ტენდერის ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ განცხადების პირობების მომზადება.

აღწერილობითი ნაწილი:

მიმდინარე წლის 19 თებერვლის N194050 სამსახურებრივი ბარათის თანახმად სსიპ საგანმანათლებლო და სამეცნიერო ინფრასტრუქტურის განვითარების სააგენტოს მიერ დაგეგმილია, 2019 წლის სამოქმედო გეგმით გათვალისწინებული, არსებული სასწავლო დაწესებულებების კვლევის, გამაგრების ნაწილობრივ და სრული რეაბილიტაციის საპროექტო/სახარჯთაღრიცხვო დოკუმენტაციის შესყიდვა. არსებული ბიუჯეტიდან მოხდება როგორც სკოლების, ასევე პროფესიული კოლეჯების საპროექტო-სახარჯთაღრიცხვო დოკუმენტაციის შესყიდვა.

ჩატარდა ბაზრის მოკვლევა ფასის დადგენის მიზნით (სამსახ. ბარათი N189491-19/02/2019). ბაზრის კვლევაში მიიღო მონაწილეობა რამოდენიმე კომპანიამ. მინიმალური ფასი მომიჯნავე დარგების საპროექტო-სახარჯთაღრიცხვო დოკუმენტაციის მომზადების ღირებულებაზე დაფიქსირდა 535 000.00 ლარის ოდენობით. სავარაუდო მოცულობა 50 000 კვ.მ მომსახურების ვადა განსაზღვრულია 2019 წლის ბოლომდე.

სსიპ საგანმანათლებლო და სამეცნიერო ინფრასტრუქტურის განვითარების სააგენტოს შესაბამისი სამსახურის სპეციალისტების მიერ მომზადდა ტექნიკურ დავალება საპროექტო-სახარჯთაღრიცხვო დოკუმენტაციის მომზადების შესყიდვაზე.

შესასრულებელი სამუშაოს ღირებულება:

• განისაზღვროს თითოეული მომიჯნავე დარგის მოსამზადებელ საპროექტო დოკუმენტაციაზე (1 კვ.მ-ის ღირებულების ფასი).

შესასრულებელი სამუშაოს ვადა:

- მომიჯნავე სპეციალობების პროექტის წარმოდგენა უნდა მოხდეს 2 კვირის ვადაში.
- მოცემულ ვადებს (საჭიროების შემთხვევაში) დაემატება მუნიციპალიტეტებში პროექტის შეთანხმებისათვის საჭირო დღეები.

2019 წლის 25 თებერვლის N226666 სამსახურებრივი ბარათით დამატებით წარმოდგენილია თანხების განაწილება ზოგადსაგანმანათლებლო დაწესებულებებისა და პროფესიული კოლეჯების მიხედვით, კერძოდ: პროფესიული კოლეჯების საპროექტო სახარჯთაღრიცხვო დოკუმენტაციის მომსახურე თანხა - საერთო ღირებულების 40% (214 000 ლარი), ხოლო სკოლების მომსახურე თანხა - საერთო ღირებულების 60% (321 000 ლარი).

სამოტივაციო ნაწილი:

ზოგადსაგანმანათლებლო და პროფესიული დაწესებულებების კვლევის, გამაგრების ნაწილობრივ და სრული რეაბილიტაციის საპროექტო/სახარჯთაღრიცხვო დოკუმენტაციის შედგენის მომსახურების შესყიდვის სავარაუდო ღირებულებად განისაზღვროს 535 000.00 ლარი.

სატენდერო კომისიას მიზანშეწონილად მიაჩნია სატენდერო დოკუმენტაციაში ინფორმაცია გამოცდილების შესახებ მოცემულ შემთხვევაში განისაზღვროს შემდეგნაირად:

„პრეტენდენტს 2016 წლის 01 იანვრიდან მოცემულ ტენდერში წინადადებების მიღების დასრულების დღემდე უნდა ჰქონდეს განხორციელებული შენობა-ნაგებობების მშენებლობის ან/და რეაბილიტაციის ან/და რეკონსტრუქციის საპროექტო-სახარჯთაღრიცხვო დოკუმენტაციის შედგენის მომსახურება, ჯამური ღირებულებით არანაკლებ 1 070 000 (ერთი მილიონ სამოცდაათი ათასი) ლარი. შენობა-ნაგებობების მშენებლობის ან/და რეაბილიტაციის ან/და რეკონსტრუქციის საპროექტო-სახარჯთაღრიცხვო დოკუმენტაციის შედგენის მომსახურების გამოცდილების დადასტურების მიზნით, პრეტენდენტი ვალდებულია წარმოადგინოს, საანგარიშო პერიოდში მხარეთა მიერ ხელმოწერილი ხელშეკრულებები და შესაბამისი საბოლოო მიღება-ჩაბარების აქტები და ინფორმაცია დანართი N3-ის მიხედვით; შენიშვნა: არარეზიდენტის, წარმომადგენლობა/ფილიალის და ამხანაგობის (იმ შემთხვევაში თუ გამოყენებულია უცხოური კომპანიის გამოცდილება) გამოცდილების დამადასტურებელი დოკუმენტაცია დამატებით დადასტურებული უნდა იყოს საერთაშორისო აუდიტორული კომპანიების მიერ, რომლებიც წარმოდგენენ ე.წ. 2018 წლის ტოპ ათეულში შემავალ კომპანიებს (Top 10 Accounting Firms 2018)“.

ხოლო რაც შეეხება პრეტენდენტის პერსონალის გამოცდილებასთან დაკავშირებულ მოთხოვნებს, მიზანშეწონილია განისაზღვროს შემდეგი სახით:

„მომსახურების მიწოდებისას მიმწოდებელმა უნდა უზრუნველყოს ქვემოთ მოთხოვნილი კვალიფიკაციისა და საპროექტო სამუშაოების ჩატარების კუთხით გამოცდილების მქონე, შესაბამისი რაოდენობის ძირითადი სპეციალისტების ჩართვა. ხელშეკრულების მოქმედების პერიოდში მიმწოდებელს მუდმივად უნდა ჰყავდეს აყვანილი სპეციალისტების შემდეგი მინიმალური რაოდენობა:

- მინიმუმ 4 თანამშრომელი არქიტექტორი/ინჟინერი მინიმუმ 10-10 წლიანი მუშაობის გამოცდილებით;

- ჯგუფის უფროსი მინიმუმ 15 წლიანი მუშაობის გამოცდილებით;

თითოეულ ძირითად სპეციალისტზე პრეტენდენტმა უნდა წარმოადგინოს:

ა) პირადობის მოწმობის ასლი;

ბ) უმაღლესი განათლების დამადასტურებელი დოკუმენტი;

გ) სპეციალისტის ბიოგრაფიული მონაცემები სატენდერო დოკუმენტაციის დანართით N4 გათვალისწინებული მოთხოვნების შესაბამისად, რომელიც ხელმოწერილი უნდა იყოს ძირითადი სპეციალისტის მიერ.

დ) მიმწოდებელსა და სპეციალისტს შორის გაფორმებული შრომითი ხელშეკრულება რომლის მოქმედების ვადაც არ უნდა იყოს ნაკლები 2019 წლის 31 დეკემბერისა.

საჭიროების შემთხვევაში, მიმწოდებელი ვალდებულია მომსახურების დროს უზრუნველყოს იმ სპეციალისტების წარმოდგენა რომლებიც ჩამონათვალში არ არის გათვალისწინებული. დამატებითი სპეციალისტების შესახებ ინფორმაცია, მიმწოდებელმა შესათანხმებლად უნდა წარუდგინოს შემსყიდველს.


საჭიროების შემთხვევაში მომსახურების დროულად დასრულების მიზნით მიმწოდებელი ვალდებულია უზრუნველყოს ძირითადი სპეციალისტების რაოდენობის გაზრდა. ასევე, აუცილებლობის შემთხვევაში შემსყიდველი ორგანიზაციის დასაბუთებული არგუმენტაციის საფუძველზე უზრუნველყოს სპეციალისტ(ებ)ის ჩანაცვლება სხვა უფრო მაღალი კვალიფიკაციის სპეციალისტებით“.

სატენდერო კომისიის მიერ მოწონებულ იქნა სისტემაში ელექტრონულად შევსებული სატენდერო განცხადების და სატენდერო დოკუმენტაციის პროექტები, რომლებიც დამტკიცების შემდეგ უნდა დარეგისტრირდეს სახელმწიფო შესყიდვების ერთიან ელექტრონულ სისტემაში.

დაადგინეს:

1. დამტკიცდეს სატენდერო დოკუმენტაცია და განცხადების ტექსტი;
2. დაევალოს სატენდერო კომისიის აპარატს უზრუნველყოს ტენდერის გამოცხადება სახელმწიფო შესყიდვების ერთიანი ელექტრონული სისტემის მეშვეობით.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 71300000 - საინჟინრო მომსახურებები.

კომისიის თავმჯდომარე:



ზვიად როსტომაშვილი

კომისიის წევრები:



გიორგი შალუტაშვილი

მამია მორალიშვილი


გიორგი თინაძე

ირმა ხუფენია


მამუკა ბერიძე



აპარატის წევრი:



დავით მესხიშვილი



ნინო გლოველი